

四庫全書

經部

欽定四庫全書

周禮纂訓卷二十

安溪李鍾倫撰

職金掌凡金玉錫石丹青之戒令

注青空青也

疏此與地官中人異者彼官主其取此官主其藏

受其入征者辨其物之微惡與其數量楬而璽之入其

金錫于為兵器之府入其玉石丹青于守藏之府

楬音竭璽

徒音

注入征者謂主受采金玉錫石丹青者之租稅也楬而璽者楬書其數量以著其物也璽者印也為兵器者攻金之工六也守藏者王府內府也

入其要

注要凡數也入之於大府訓愚謂上言入其物此言入其要皆謂為兵器及守藏之府也

掌受士之金罰貨罰入于司兵

注給治兵及工直也貨泉貝也罰罰贖也

疏受士之金罰貨罰者謂斷獄訟者有疑即使出金為贖或無金即出貨以當金直也

旅于上帝則共其金版饗諸侯亦如之

注鉞金謂之版此版所施未聞

鉞必領反

凡國有大故而用金石則掌其令

注主其取之令也用金石者作槍雷推棹之屬

疏槍雷推棹皆謂守城捍禦之具

司厲掌盜賊之任器貨賄辨其物皆有數量賈而褐之

入于司兵

賈音嫁

注任器貨賄謂盜賊所用傷人兵器及所盜財物也

其奴男子入于罪隸女子入于春橐

橐古老反

注謂坐為盜賊而為奴者輸于罪隸春人橐人之官

也由是觀之今之為奴婢古之罪人也故書曰予則

奴戮汝春秋傳曰斐豹隸也著于丹書請焚丹書我

殺督戎耻為奴欲禁其籍也

凡有爵者與七十者與未齒者皆不為奴

齒音視初觀切又初謹切

注有爵謂命士以上也齒毀齒也男八歲女七歲而

毀齒

犬人掌犬牲凡祭祀共犬牲用牲物伏瘞亦如之

瘞音全本

亦作全瘞於例反徐烏計反

注瘞純也物色也伏謂伏犬以王車轅之瘞謂埋祭也

疏伏謂伏犬以王車轅之者此謂王將祭而出國

駘道之祭即大馭所云是也

凡幾珥沈辜用駘可也

駘江反

注幾讀為刳珥當為衅刳衅釁禮之事大宗伯職曰

以埋沈祭山林川澤以罷辜祭四方百物駘謂不純

色也

罷孚通反

凡相犬牽犬者屬焉掌其政治

相息亮反

注犬有三種一為田犬二為吠犬三為食犬若田犬

吠犬觀其善惡若食犬觀其肥瘦皆當相之牽犬者

謂呈見之少儀云夫則執紼是也

司圜掌收教罷民凡害人者弗使冠飾而加明刑焉任之以事而收教之能改者上罪三年而舍中罪二年而舍下罪一年而舍其不能改而出圜土者殺雖出三年不齒

注罷民謂惡人不從化為百姓所患苦而未入五刑者也故曰害人弗使冠飾者著墨幪若古之象刑與疏此罷民入圜土者不坐嘉石朝士坐嘉石者不

入圜土云著墨幪者案孝經緯云三皇無文五帝
畫象三王肉刑畫象者上罪墨象赭衣雜屨中罪
赭衣雜屨下罪雜屨而已訓按幪巾也著墨巾無
冠飾也

凡圜土之刑人也不虧體其罰人也不虧財

注言其刑人但加以明刑其罰人但任之以事而已
此圜土所收教者過失害人麗於法者

掌囚掌守盜賊凡囚者上罪桎梏而桎中罪桎梏下罪

梏王之同族拳有爵者桎以待弊罪

梏古毒反張揖云參著曰梏偏著曰

桎說文云桎手械也所以告天桎足械也所以質地拳劉云姜奉反又居辱反韋昭音拱李奇音恐桎之實反

注凡囚者謂非盜賊自以他罪拘者也拳者兩手共

一木在手曰桎在足曰桎中罪不拳手足各一木耳

下罪又去桎王同族及命士以上雖有上罪或拳或

桎而已

疏此謂五刑罪人古者五刑不入園土故使身居

三木掌囚守之

及刑殺告刑于王奉而適朝士加明梏以適市而刑殺之

注告刑于王其死罪則曰某之罪在大辟其刑罪則曰某之罪在小辟奉而適朝者重刑為王欲有所赦且當以付士士鄉士也鄉士加明梏者謂書其姓名及其罪於梏而著之也

疏云士鄉士者以經云適市刑殺市在國若遂士以下則各就其處刑殺也掌囚掌守賊囚及欲刑

殺則還付士

凡有爵者與王之同族奉而適甸師氏以待刑殺

注適甸師氏亦由朝乃往也待刑殺者掌戮將自市來也

掌戮掌斬殺賊諜而搏之

諜音牒搏註作搏同普博反

注斬以鈇鉞若今要斬也殺以刀刃若今棄市也諜謂姦寇反間者賊與諜罪大者斬之小者殺之搏當為搏諸城上之搏謂去衣磔之

凡殺其親者焚之殺王之親者辜之

注親總服以內也焚燒也辜謂磔之

凡殺人者踣諸市肆之三日刑盜于市

踣音蔽蒲北切又音仆

注踣僵尸也肆猶申也陳也凡言刑盜罪惡莫大焉

疏除上三者之外皆陳尸于市

凡罪之麗於法者亦如之唯王之同族與有爵者殺之

于甸師氏

注罪二千五百條上附下附刑五而已

疏云亦如之者合入死者亦踣之合入四刑者雖不踣亦刑之在市

凡軍旅田役斬殺刑戮亦如之

注戮謂膊焚辜肆

疏案士師大師戮犯禁者鄉士遂士凡國有大事皆戮其犯命不使掌戮者此等權宜之事臨時即決不假掌戮也

墨者使守門劓者使守闕宮者使守內劓者使守圉

金少卿卷二十
注斷足驅衛禽獸無急行

髡者使守積

髡苦門反
積子賜反

注此出五刑之中而髡者必王之同族不官者髡頭而已

司隸掌五隸之法辨其物而掌其政令

注五隸謂罪隸四翟之隸也物衣服兵器之屬

帥其民而搏盜賊役國中之辱事為百官積任器凡囚執人之事

注民五隸之民也百官所當任用之器物此官主為積聚之

邦有祭祀賓客喪紀之事則役其煩辱之事掌帥四翟之隸使之皆服其邦之服執其邦之兵守王宮與野舍之厲禁

注野舍王行所止舍也厲遮列也

罪隸掌役百官府與凡有守者掌使令之小事

訓愚按有守者如士庶子守王宮與其守城郭溝池

樹渠之固者

凡封國若家牛助為牽傍

傍步浪反

注封國若家謂建諸侯立大夫家也牛助國以官牛助轉徙也罪隸牽傍之在前曰牽在旁曰傍

其守王宮與其厲禁者如蠻隸之事

訓按凡言如者皆於上文見義此獨於下文見義者以司隸有帥四隸之文不言罪隸故此雖義取下文實承上文也

蠻隸掌役校人養馬其在王宮者執其國之兵以守王宮在野外則守厲禁

閩隸掌役畜養鳥而阜蕃教擾之掌子則取隸焉

注杜子春云子當為祀立謂掌子者王立世子置臣使掌其家事而以閩隸役之訓愚謂掌子凡掌士庶子之有守者取閩隸以役之如罪隸所謂役百官府與有守者是也

夷隸掌役牧人養牛馬與鳥言

注夷狄之人或曉鳥獸之言故春秋傳曰介葛盧聞牛鳴曰是生三犧皆用之矣

疏經云與鳥言鄭意解鳥言者亦解獸言故兼言之

其守王宮者與其守厲禁者如蠻隸之事

貉隸掌役服不氏而養獸而教擾之掌與獸言

注不言阜蕃者猛獸不可服又不生乳于圈檻也

其守王宮者與其守厲禁者如蠻隸之事

布憲掌憲邦之刑禁正月之吉執旌節以宣布于四方而憲邦之刑禁以詰四方邦國及其都鄙達于四海

注憲表也謂縣之也刑禁者國之五禁所以左右刑罰者爾雅曰九夷八蠻六戎五狄謂之四海訓案先言邦國後都鄙者明邦國亦有都鄙也國中之刑禁則士師徇以木鐸縣于門閭者是也此所憲者邦國都鄙之禁也

凡邦之大事合衆庶則以刑禁號令

禁殺戮掌司斬殺戮者凡傷人見血而不以告者攘獄者過訟者以告而誅之

注司猶察也察此四者告于司寇罪之也斬殺戮謂吏民相斬相殺相戮者攘猶卻也卻獄者言不受也過訟者過止欲訟者也

疏不受獄者謂人有罪過官有文書追攝不肯受也

禁暴氏掌禁庶民之亂暴力正者撓誣犯禁者作言語

而不信者以告而誅之

橋居表反

注力正以力强得正也

凡國聚衆庶則戮其犯禁者以徇凡奚隸聚而出入者

則司牧之戮其犯禁者

奚隸女奴男奴也其聚出入有所使

野廬氏掌達國道路至于四畿

注達謂巡行通之使不陷絕也去王城五百里曰畿

疏國之道路使其地之人治之野廬氏直巡行不

通之處

比國郊及野之道路宿息井樹

注比猶校也宿息廬之屬賓客所宿及晝止者也井

共飲食樹為蕃蔽

若有賓客則令守涂地之人聚櫟之有相翔者誅之

音櫟

託

注守涂地之人道所出廬宿旁民也相翔猶昌翔觀

伺者也聚櫟之聚擊櫟以宿衛之也

凡道路之舟車輦互者叙而行之

輦音激古歷切又音計

注舟車輦互謂於迫隘處也其過之者使以次叙之
凡有節者及有爵者至則為之辟

注辟辟行人亦使守涂地者

禁野之橫行徑踰者

注皆為防姦也橫行妄由田中徑踰射邪趨疾越隄
渠也

凡國之大事比脩除道路者

注比校治道者名

掌凡道禁

注禁若今絕蒙布巾持兵杖之屬

邦之大師則令埽道路且以幾禁行作不時者不物者
注不時謂不夙則暮者也不物謂衣服操持非比常
人也幾禁之者備姦人內賊及反間

蜡氏掌除𪚩

蜡清預反
𪚩似賜反

注月令曰掩骼埋胔骨之尚有肉者也及禽獸之骨
皆是

凡國之大祭祀令州里除不蠲禁刑者任人及凶服者
以及郊野大師大賓客亦如之

蠲古玄反舊
音圭潔也

注任人司圜所收教罷民也此所禁除者皆為不欲
見人所藏惡也

若有死於道路者則令埋而置楬焉書其日月焉縣其
衣服任器于有地之官以待其人掌凡國之酖禁

楬音
竭縣

音
玄

雍氏掌溝瀆澮池之禁凡害於國稼者春令為阱獲溝

瀆之利於民者秋令塞阱杜獲

澮古外反阱在性反塹也獲胡化反

注溝瀆澮田間通水者也池謂陂障之水道也害於國稼謂水潦及禽獸也阱穿地為塹獲柞鄂也堅地阱淺則設柞鄂于其中所以禦禽獸秋而塞之收刈之時為其陷害人也

禁山之為苑澤之沈者

注不得擅為苑囿於山也澤之沈者謂毒魚及水蟲之屬

萍氏掌國之水禁

注水禁謂水中害人之處及入水捕魚鱉不時

幾酒

注苛察沽買過多及非時者

疏酒有時者謂若酒誥惟祀茲酒及昏禮為酒食
以召鄉黨僚友是也

謹酒

注使民節用酒也

禁川游者

注備波洋卒至沈溺也

司寤氏掌夜時

注謂夜晚早

以星分夜以詔夜士夜禁

注夜士主行夜徼候者

禦晨行者禁宵行者夜遊者

注備其遭寇害及謀非公事晨先明也宵定昏也

司烜氏掌以夫遂取明火於日以鑒取明水於月以共祭

祀之明盥明燭共明水

夫方符反司農音符盥音資

注夫遂陽遂也鑒鏡屬取水者世謂之方諸取日之火月之水欲得陰陽之潔氣也明盥謂以明水脩滌
粢盛黍稷明燭以照饌陳明水以為玄酒

凡邦之大事共墳燭庭燎

墳扶云反燎力召反

注墳大也樹於門外曰大燭於門內曰庭燎所以照

衆為明

疏庭燎在大寢庭按郊特牲注庭燎之差公蓋五十侯伯子男三十大戴禮文其百者天子禮

中春以木鐸脩火禁于國中

中音仲

注為季春將出火也火禁為用火之處及備風燥

軍旅脩火禁邦若屋誅則為明竈焉

竈昌銳反

注屋如刑剭之剭剭誅謂不殺于市而以適甸師氏者也明竈若今揭頭明書其罪法也司烜掌明竈則罪人夜葬與

條狼氏掌執鞭以趨辟王出入則八人夾道公則六人

侯伯則四人子男則二人

趨七須反辟婢亦反又音避

疏按序官條狼氏下士六人今云天子八人蓋取

胥徒中兼充也

凡誓執鞭以趨於前且命之誓僕右曰殺誓馭曰車轅

誓大夫曰敢不闕鞭五百誓師曰三百誓邦之大史曰

殺誓小史曰墨

轅戶串反一音環

注前謂所誓衆之行前也有司讀誓辭則大言其刑

以誓所誓也誓者謂出軍及將祭祀時也出軍之誓
誓僕右及馭則書之甘誓備矣郊特牲說祭祀之誓
曰卜之日王立于澤親聽誓命受教諫之義也車轅
謂車裂也不闕謂不闕于君也大夫自受命以出則
其餘事莫不復請師樂師也大史小史主禮事者

疏誓自有大官若月令田獵師徒北面誓之誓時
此條狼氏則為之大言使衆聞知僕大僕也與王
同車通右馭及王四乘也鄭云大夫受命以出則

其餘事莫不請者欲見受命出征柵外之事將軍
裁之不須復請其餘皆須請於君也按襄公十九
年晉士句帥師侵齊至穀聞齊侯環卒乃還公羊
大其不伐喪謂大夫以君命出進退在大夫也穀
梁曰還者事未畢之辭也善其不伐喪則何為未
畢也君不尸小事臣不專大名士句外專君命故
非之也然則宜柰何宜殫帷而歸命乎介

脩閭氏掌比國中宿互標者與其國粥而比其追胥者

而賞罰之

北毗志反
粥音育

注國中城中也宿謂宿衛也互謂行馬所以障互禁
止人也櫟謂行夜擊櫟粥養也國所游養謂羨卒也
訓愚按國粥粥與鬻通賣鬻於國中蓋市廛之地亦
有宿互櫟也國中之宿互櫟則民為之市廛之宿互
櫟則賣粥者為之至於追胥於國中則共為之也
禁徑踰者與以兵革趨行者與馳騁於國中者

注皆為其惑衆訓愚按徑踰於國中謂門也古者合

二十五家而為之門二十五家即閭也故脩閭比互
據而禁徑踰皆於門焉設之

邦有故則令守其閭互唯執節者不幾

注令者令其閭胥里宰之屬

疏注兼言閭胥里宰者脩閭所掌雖主六鄉其實

兼六遂也

冥氏掌設弧張

冥音
覓

注弧張罽罽之屬所以扃絹禽獸

為阱獲以攻猛獸以靈鼓毆之

毆丘于反

注靈鼓六面鼓毆之使驚趨阱獲

若得其獸則獻其皮革齒須備

注須直謂願下須備謂搔也

搔音爪

庶氏掌除毒蠱以攻說禴之嘉草攻之

庶章預反蠱音古禴劉音潰

注毒蠱蟲物而病害人者賊律曰敢蠱人及教令者

棄市攻說祈名祈其神求去之也嘉草藥物其狀未

聞攻之謂燠之

疏攻說禴之據去其神也嘉草攻之據去其身也
凡毆蠱則令之比之

穴氏掌攻蟄獸各以其物火之

注蟄獸熊羆之屬冬藏者也將攻之必先燒其所食
之物於穴外以誘出之乃可得之

以時獻其珍異皮革

翼氏掌攻猛鳥各以其物為媒而倚之

倚音倚
居綺切

注猛鳥鷹隼之屬置其所食之物於絹中鳥來下則

倚其腳

以時獻其羽翮

柞氏掌攻草木及林麓

柞側百反
麓音鹿

注林人所養者山足曰麓

疏注云林人所養者若林衡所掌未必人所養此
乃人所政治以擬種植者也

夏日至令刊陽木而火之冬日至令剝陰木而水之

刊

反干

注刊剝互言耳皆謂斫去其皮生山南為陽木生山北為陰木火之水之則使其肆不生

疏山虞取其堅刃冬斬陽夏斬陰此欲死之故夏陽木冬陰木

若欲其化也則春秋變其水火

注化猶生也謂時以種穀也變其水火者乃所火則水之所水則火之則其土和美

疏變之者謂夏至火之至秋則以水漬之冬至

水之至後春以火燒之

凡攻木者掌其政令

薙氏掌殺草春始生而萌之夏日至而夷之秋繩而芟

之冬日至而耜之

繩音孕芟
所銜反

注萌之者以茲其斫其生者夷之以鉤鎌迫地芟之
也含實曰繩芟其繩則實不成熟耜之以耜側凍土
剡之

若欲其化也則以水火變之

注謂以火燒其所芟萌之草已而水之則其土亦和美矣

掌凡殺草之政令

哲族氏掌覆天鳥之巢

覆芳復反
天音妖

注天鳥惡鳴之鳥若鴉鵂

以方書十日之號十有二辰之號十有二月之號十有

二歲之號二十有八星之號縣其巢上則去之

縣音
玄

注方版也日謂從甲至癸辰謂從子至亥月謂從娵

至荼歲謂從攝提格至赤奮若星謂從角至軫

翦氏掌除蠹物以攻榮攻之以莽草熏之

蠹丁故反榮音詠莽亡蕩

反

注蠹物穿食人器物者蠹魚亦是也攻榮祈名莽草藥物殺蟲者以熏之則死

凡庶蠱之事

注庶除毒蠱者蠱蠱之類

赤友氏掌除牆屋以蜃炭攻之以灰洒毒之

蜃市軫反洒色買反

注除牆屋者除蟲豸藏逃其中者蜃大蛤也擣其炭

以坩之則走淳之以灑之則死

坩蒲
閤反

疏淳即沃也謂灑沃以汁

凡隙屋除其狸蟲

狸莫皆反
劉莫拜反

注狸蟲蟻肌蛛之屬

蟻草夜反
蛛音求

蝮氏掌去鼃黽焚牡鞠以灰洒之則死

鼃戶鳩反
黽莫辛反
牡莫口反

鞠弓

六反

注牡鞠鞠不華者齊魯之間謂鼃為蝮黽耿黽也蝮

與耿黽尤怒鳴為聒人耳去之

以其煙被之則凡水蟲無聲

壺涿氏掌除水蟲以泡土之鼓毆之以焚石投之

炮步交反

注水蟲狐蜮之屬炮土之鼓瓦鼓也焚石投之使驚去

若欲殺其神則以牡槀午貫象齒而沈之則其神死淵

為陵

槀杜讀為枯音姑即山榆也

注神謂水神龍罔象槀榆木名

庭氏掌射國中之天鳥若不見其鳥獸則以救日之弓

與救月之矢射之

射食亦反

注不見鳥獸謂夜來嗚呼為怪者獸狐狼之屬救日之弓救月之矢謂日月食所作弓矢日月之食陰陽相勝之變也於日食則射太陰月食則射太陽與若神也則以太陰之弓與枉矢射之

注神謂非鳥獸之聲若或叫于宋太廟者太陰之弓救月之弓枉矢救日之矢與不言救月之弓與救日

之矢者互言之救日用枉矢則救月以恒矢可知也
疏太陰之弓與上救日之弓對故知是救月之弓
枉矢與救月之矢相對則是救日之矢可知欲見
弓矢之名故互見其文知救月用恒矢不用庫矢
者以其庫矢弩所用

銜枚氏掌司囂國之大祭祀令禁無囂

囂五
燕反

注令主祭祀者

軍旅田役令銜枚

注為其言語以相誤

禁詔呼歎鳴於國中者行歌哭於國中之道者

詔音叫

注為其感衆

伊耆氏掌國之大祭祀共其杖咸

注咸讀為函老臣雖杖於朝事鬼神尚敬去之有司
以此函藏之既事乃授之

軍旅授有爵者杖

注別吏卒且以扶尊者將軍杖鉞

共王之齒杖

注王之所以賜老者之杖王制曰五十杖於家六十杖於鄉七十杖於國八十杖於朝

疏既共王之齒杖明皆據王所賜者而言若不得王賜者自拄之也訓按不得王賜杖者當是庶人之老

大行人掌大賓之禮及大客之儀以親諸侯

注大賓要服以內諸侯大客謂其孤卿

疏言要服以內諸侯者對要服以外為小賓世壹
見者是也云大客謂孤卿者對小行人所云小客
則受其幣聽其辭者是也按大國得立孤一人侯
伯無孤殷聘使卿時聘使大夫士雖不得時聘為
介來亦入客中

春朝諸侯而圖天下之事秋覲以比邦國之功夏宗以
陳天下之謨冬遇以協諸侯之慮時會以發四方之禁

殷同以施天下之政

朝直達反
比毘志反

注此六事者以王見諸侯為文圖此陳協皆考績之言王者春見諸侯則圖其事之可否秋見諸侯則比其功之高下夏見諸侯則陳其謀之是非冬見諸侯則合其慮之異同六服以其朝歲四時分來更迭如此而遍時會即時見也無常期諸侯有不順服者王將有征討之事則既朝王命為壇於國外合諸侯而發禁命事焉禁謂九伐之法殷同即殷見也王十二歲一巡守若不巡守則殷同殷同者六服盡朝既朝

王亦命為壇於國外合諸侯而命其政政謂邦國之
九法殷同四方四時分來歲終則遍矣九伐九法皆
在司馬職

疏春夏秋冬雖相對為文及其受之處所則春夏
受摯於朝受享於廟秋冬一受之於廟注云六服
以其朝歲者以下文依服數來朝則有不朝之歲
故云以其朝歲也云既朝王命為壇於國外者諸
侯有不當朝歲者則就國外壇朝而已是以司儀

與覲禮有壇朝之法若諸侯來者次當朝之歲者則於國內依常朝之法既朝乃向外就壇行盟載之禮也鄭知王不巡守即行殷同者下文云十有二歲王巡守殷國殷國與巡守連文明同是十二年唯衛服不當朝歲其餘侯甸男采要皆當朝歲當朝歲者亦朝於國乃更於壇朝不當朝歲者亦朝於壇如時會然

時聘以結諸侯之好殷覲以除邦國之慝

覲通弔反
慝吐得反

注此二事者以王見諸侯之臣使來者為文也時聘者亦無常期天子有事諸侯使大夫來聘親以禮見之禮而遣之所以結其恩好也天子無事則已殷覲謂一服朝之歲也一服朝之歲五服諸侯皆使卿以聘禮來覲天子天子以禮見之命以政禁之事所以除其惡行

疏注云天子有事諸侯使大夫來聘者此謂時會

之年當方有諸侯不順服當方諸侯來會餘方諸侯身不來使大夫來聘亦有兵至助王討逆若無事則不來也云殷覲在一服朝之歲者按宗伯注云一服朝在元年七年十一年以其朝者少聘者多故亦得稱殷衆也

間問以諭諸侯之志歸賑以交諸侯之福賀慶以贊諸

侯之喜致禮以補諸侯之裁

間問廁之間賑上忍反皆腎禮音會

注此四者王使臣於諸侯之禮也間問者間歲一問

諸侯謂存省之屬諭諸侯之志者諭言語諭書名其類也交或往或來也贊助也致禴凶禮之弔禮禴禮也

疏注云間問謂存省之屬者按下文歲遍存三歲遍類五歲遍省七歲屬象胥九歲屬瞽史十有一歲達瑞節並是間歲之事云交謂往來者欲見臣有祭祀亦得歸胙於王按宗伯云脤膳本施同姓尊二代之後亦得之按宗伯凶禮有五此唯言弔

者此行人唯主弔法餘禮蓋自有人主之隱元年
宰咺來歸惠公仲子之賵是宰夫主賻賵之事也
訓愚謂凶禮之弔禮固見於行人矣至於喪荒禴
恤四禮亦當在問問之內同掌於行人故存省之
屬皆有事而存省之也致禴所以別言之者以其
有歸財之法與四禮異諸侯有喪荒敗亂之事王
亦必待問歲乃問之者以侯國多其事亦多不過
依間問之期而遍存遍省之而已

以九儀辨諸侯之命等諸臣之爵以同邦國之禮而待
其賓客上公之禮執桓圭九寸縹藉九寸冕服九章建
常九旒樊纓九就貳車九乘介九人禮九牢其朝位賓
主之間九十步立當車軹擯者五人廟中將幣三享王
禮再裸而酢饗禮九獻食禮九舉出入五積三問三勞
諸侯之禮執信圭七寸縹藉七寸冕服七章建常七旒
樊纓七就貳車七乘介七人禮七牢朝位賓主之間七
十步立當前疾擯者四人廟中將幣三享王禮壹裸而

酢饗禮七獻食禮七舉出入四積再問再勞諸伯執躬
圭其他皆如諸侯之禮諸子執穀璧五寸縹藉五寸冕
服五章建常五旒樊纓五就貳車五乘介五人禮五牢
朝位賓主之間五十步立當車衡擯者三人廟中將幣
三享王禮壹裸不酢饗禮五獻食禮五舉出入三積壹

問壹勞諸男執蒲璧其他皆如諸子之禮

縹音藻藉在夜反存音留

樊畔于反乘繩證反介音界軹之氏反或居氏反擯必刃反裸古亂反酢才洛反食禮音嗣積子賜反勞老報

反信音申後信圭同

注纁藉以五采韋衣板若奠玉則以藉之冕服著冕
所服之衣也九章者自山龍以下七章者自華蟲以
下五章者自宗彝以下也常旌旗也苻其屬幟垂者
也樊纓馬飾也以罽飾之每一處五采備為一就貳
副也介輔已行禮者也禮大禮饗餼也三牲備為一
牢朝位謂大門外賓下車及王車出迎所立處也王
始立大門內交擯三辭乃乘車而迎之齊僕為之節
上公立當軹侯伯立當疾子男立當衡王立當軫與

前疾謂駟馬車轅前胡下垂柱地者廟受命祖之廟也三享皆束帛加璧庭實惟國所有朝士儀曰奉國地所出重物而獻之明臣職也朝先享不言朝者朝正禮不嫌有等也王禮王以鬱鬯禮賓也鬱人職曰凡祭祀賓客之裸事和鬱鬯以實彝而陳之禮者使宗伯攝酌圭瓚而裸王既拜送爵又攝酌璋瓚而裸后又拜送爵是為再裸再裸賓乃酢王也禮侯伯一裸者裸賓賓酢王而已后不裸也禮子男則裸賓而

已不酢王也不酢之禮聘禮禮賓是與九舉舉牲體
九飯也出入謂從來訖去也每積有牢禮米禾芻薪
凡數不同者皆降殺問問不恙也勞謂勞倦之也皆
有禮以幣致之

疏桓圭之等此主行朝禮於朝所執其服則皮弁
若行三享則執璧瑞樊馬腹帶纓馬鞅貳車九乘
者按覲禮記云偏駕不入王門鄭云左傍與已同
曰偏同姓金路異姓象路四衛革路蕃國本路據

王王路不賜諸侯是王所乘為正諸侯左傍與已
同曰偏此等不入王門舍於館乘墨車龍旂以朝
彼雖覲禮此春夏受贄在朝無迎法亦應偏駕不
入至朝後行三享在廟天子親迎乃申上服得乘
金路之等若不申上服車何得有樊纓九就之屬
但貳車所飾無文未知諸侯貳車得與上車同否
貳車及介陳於大門外賓北面時介皆西北陳之
禮九牢是饗餼大禮朝享後乃陳於館以數有九

故進之在上朝位者王未迎之時在大門內與賓相去之數也車軹謂轂末車轅北向在西邊亦去大門九十步公在車東東西相望當轂末也擯者五人大宗伯為上擯小行人為承擯嗇夫為末擯其餘二人是士廟中將幣三享此是朝訖在廟行享乃有迎賓之禮也王禮與下為目已下皆王之禮也饗禮九獻者謂後日王速賓賓來就廟中行亨烹太牢設几而不倚爵盈而不飲九獻者王酢

獻賓賓酌主人主人酬賓酬後更八獻是為九獻
食禮亦太牢無酒出入五積謂在路供賓來有積
去有積皆五積三問與三勞所行應同處三勞者
按小行人逆勞于畿覲禮云至于郊王使人皮弁
用璧勞聘禮則勞以幣但璧則兼幣也但覲禮注
郊是近郊近郊與畿大小行人勞遠郊無文按書
傳畧說云天子太子年十八授孟侯孟侯者四方
諸侯來迎于郊或遠郊當使世子勞三問之處亦

當在近郊遠郊與畿也按王與諸侯行禮與諸侯
待諸侯同司儀云諸公相為賓將幣交擯三辭車
逆注云既三辭則主君乘車出大門而迎賓若聘
禮則無出迎法也必知天子與諸侯敵禮者按下
文大國之孤視小國之君唯不交擯則諸侯於天
子交擯矣交擯是敵禮也注云饗設盛禮者有酒
有食兼食與燕也訓云前疾謂駟馬車轅前胡下
垂柱地者謂若輅人輅深四尺七寸軾前曲中是

也云朝先享不言朝者自冕服九章以下唯言享
不見朝禮云朝正禮不嫌有等者朝屬路門外無
九十七五十步差等相迎之法既無等故不言
之云不酢之禮與聘禮之賓同者聘禮之賓用醴
壹裸不酢約同之但子男裸以鬱鬯不用醴則別
云九舉舉牲體九飯者見特牲饋食禮尸食舉尸
三飯佐食舉肝尸又三飯舉骼及獸魚王日一舉
亦是生人食有舉法故知舉是舉牲體也

凡大國之孤執皮帛以繼小國之君出入三積不問壹
勞朝位當車前不交擯廟中無相以酒禮之其他皆眡
小國之君

注此以君命來聘者也孤尊既聘享更自以其贄見
執束帛而已豹皮表之為飾繼小國之君言次之也
朝聘之禮每一國畢乃前不交擯者不使介傳辭交
于王之擯親自對擯者也廟中無相介皆入門西上
而立不前相禮者聘之介是與以酒禮之酒謂齊酒

也和之不用鬱鬯耳其他謂貳車及介牢禮賓主之間擯者將幣裸酢饗食之數

疏按典命上公立孤一人侯伯已下則無故云大國之孤也趙商問大國之孤既眡小國之君以五為節下云諸侯之卿各下其君二等以下注云公使卿亦七侯伯亦五子男三不審大國孤五而卿七何答曰卿七介是奉君命孤五介是特見又繼小國之君非私覲也然則諸侯之大夫以時接見

天子或可有私覲結其恩情但無文耳趙商又問
孤出入三積亦是眡小國之君何須特云三積與
例似錯答曰三積卿亦然非獨孤也故不在眡小
國之中然則一勞者亦是卿亦然則孤聘天子
既以聘使受禮又自得禮如是孤法再重受禮矣
鄭知孤執皮帛是既聘享更自以其贄見者若行
正聘則執瑑圭璋八寸以行聘何得執皮帛也侯
伯已下臣來但執圭璋行聘無此更見法矣云豹

皮表之為飾者宗伯注云天子之孤飾贄以虎皮
公之孤飾贄以豹皮云不使介傳辭交于王之擯
而親自對擯者則聘禮賓來在末介下東面上擯
亦至末擯下親相與言是也

凡諸侯之卿其禮各下其君二等以下及其大夫士皆
如之

注此亦以君命來聘者也所下其君者介與朝位賓
主之間也其餘則自以其爵聘義曰上公七介侯伯

五介子男三介是謂使卿之聘之數也朝位則上公七十步侯伯五十步子男三十步與

疏云及其大夫士皆如之者大夫又各自下卿二等士無介與步數而言如之者指牢禮之等又降殺大夫也

邦畿方千里其外方五百里謂之侯服歲壹見其貢祀物又其外方五百里謂之甸服二歲壹見其貢嬪物又其外方五百里謂之男服三歲壹見其貢器物又其外

方五百里謂之采服四歲壹見其貢服物又其外方五百里謂之衛服五歲壹見其貢材物又其外方五百里謂之要服六歲壹見其貢貨物

婦婢人反

注要服蠻服也此六服去王城三千五百里相距方七千里公侯伯子男封焉其朝貢之歲四方各四分趨四時而來或朝春或宗夏或覲秋或遇冬祀貢者犧牲之屬嬪物絲枲也器物尊彝之屬服物玄纁絺纈也材物八材也貨物龜貝也

疏此因朝而貢與太宰九貢及下小行人春入貢者別彼二者是歲之常貢也太宰四曰幣貢此中無幣貢者因朝而貢三享中已有幣故不別貢幣也

九州之外謂之蕃國世壹見各以其所貴寶為摯

注九州之外夷服鎮服蕃服也曲禮曰其在東夷北狄西戎南蠻雖大曰子然則九州之外其君皆子男也無朝貢之歲父死子立及嗣王即位乃一來耳各

以其所貴寶為摯則蕃國之君無執玉瑞者是以謂其君為小賓臣為小客所貴寶見傳者若犬戎獻白狼白鹿是也其餘則周書王會備焉

王之所以撫邦國諸侯者歲徧存三歲徧覲五歲徧省七歲屬象胥諭言語協辭命九歲屬瞽史諭書名聽聲音十有一歲達瑞節同度量成牢禮同數器脩法則十

有二歲王巡守殷國

屬音東反

注撫猶安也存覲省者王使臣於諸侯之禮所謂間

問也歲者巡守之明歲以為始也屬猶聚也自五歲以後遂間歲徧省也七歲省而召其象胥九歲省而召其瞽史皆聚於天子之宮教習之也象胥譯官也王制曰五方之民言語不通嗜欲不同達其志通其欲東方曰寄南方曰象西方曰狄鞮北方曰譯此官正為象者周始有越重譯而來獻是因通言語之官為象胥云胥謂象之有才智者也辭命六辭之命也瞽樂師也史太史小史也書名書之字也古曰名聘

禮曰百名以上至十一歲又徧省焉度丈尺也量豆
區釜也數器銓衡也法則八法八則也達同成脩皆
謂齋其法式行至則齊等之也成平也平其僭踰者
也王巡守諸侯會者各以其時之方書曰遂覲東后
其殷國則四方四時分來如平時

疏注云自五歲之後遂間歲徧省也者但經一歲
與三歲五歲云存覲省至七歲九歲十一歲不云
省者以五歲已言省義可知云書名古曰名者明

今世曰字也云數器銓衡也者謂銖兩之等云八法八則者侯國有都鄙官府以此法則治之云殷國四方四時分來如平時者謂如六服盡來時即與平時別也

凡諸侯之王事辨其位正其等協其禮賓而見之

注王事以王之事來也

疏辨其位謂九十七五十步之位等謂冕服旌旗貳車之類皆有等級協其禮謂牢禮饗燕積膳

之禮

若有大喪則詔相諸侯之禮

疏諸侯為天子斬其有哭位周旋辟踊進退皆有禮法須助而告教之

若有四方之大事則受其幣聽其辭

注四方之大事謂國有兵寇諸侯來告急者禮動不虛皆有幣幣以崇敬也受之以其事入告王也聘禮曰若有言則以求帛如享禮

疏引聘禮者彼雖是諸侯相告明告天子亦然
凡諸侯之邦交歲相問也殷相聘也世相朝也

注小聘曰問殷中也父死子立曰世凡君即位大國
朝焉小國聘焉

疏言諸侯邦交謂同方嶽者小聘曰問者聘禮文
故彼云小聘曰問不享是也大聘使卿小聘使大
夫王制曰比年一小聘三年一大聘按左傳文元
年公孫敖如齊傳曰凡君即位卿出並聘謂已卿

往聘他他卿來聘已云大國朝焉謂已是小國朝
於大國小國聘焉謂已是大國聘於小國

周禮纂訓卷二十

欽定四庫全書

周禮纂訓卷二十一

安溪李鍾倫撰

小行人掌邦國賓客之禮籍以待四方之使者

注禮籍名位尊卑之書使者諸侯之臣使來者也

疏大行人待諸侯身小行人待諸侯之使者其邦之禮籍則諸侯及臣皆在焉

令諸侯春入貢秋獻功王親受之各以其國之籍禮之

注貢六服所貢也功考績之功也秋獻之若今計文書斷於九月其舊法

疏此云貢即大宰九貢

凡諸侯入王則逆勞于畿

注鄭司農云入王朝於王也故春秋傳曰宋公不王

又曰諸侯有王王有巡守

及郊勞眡館將幣為承而擯

注眡館致館也承猶丞也王使勞賓於郊致館於賓

至將幣使宗伯為上擯皆為之丞而擯之

疏此經三事皆為丞而擯之云眡者使卿大夫往
眡觀其可否云王使勞賓於郊者謂王使大行人
勞於郊也云使宗伯為上擯者惟謂將幣時大宗
伯為上擯於郊勞及眡館二者不使大宗伯為上
擯

凡四方之使者大客則擯小客則受其幣而聽其辭

注擯者擯而見之王使得親言也受其幣者受之以

入告其所為來之事

使適四方協九儀賓客之禮朝覲宗遇會同君之禮也
存覲省聘問臣之禮也

注適之也協合也

達天下之六節山國用虎節土國用人節澤國用龍節
皆以金為之道路用旌節門關用符節都鄙用管節皆
以竹為之

注此謂邦國之節也達之者使之四方亦皆齎法式

以齊等之也諸侯使臣行覲聘則以金節授之以為行道之信也虎人龍者自其國象也道路謂鄉遂大夫也都鄙者公之子弟及卿大夫之采地之吏也凡邦國之民遠出至他邦他邦之民若來入由國門者門人為之節由關者關人為之節其以徵令及家徙鄉遂大夫及采地吏為之節皆使人執節將之以達之亦有期以反節管節如今之竹使符也其有商者通之以符節如門關門關者與市聯事節可同也亦

所以異於畿內也凡節有天子法式存於國

疏此經亦是適四方之事言達天下之六節者據諸侯國而言掌節所云據畿內也按掌節云守邦國者用玉節此不達玉節者文畧耳亦達可知云其有商者通之以符節如門關者掌節云貨賄用璽節門關用符節各別司關既言掌國貨之節以聯門市門市節既相聯此中無貨賄用璽節明同用符節可知

成六瑞王用璚圭公用桓圭侯用信圭伯用躬圭子用

穀璧男用蒲璧

璚吐電反王執鎮圭璚宜作鎮

注成平也瑞信也皆朝見所執以為信

疏此亦通四方

合六幣圭以馬璋以皮璧以帛琮以錦琥以繡璜以黼

此六物者以和諸侯之好故

琮才宗反琥音虎璜音黃

注合同也六幣所以享也五等諸侯享天子用璧享

后用琮其大各如其瑞皆有庭實以馬若皮皮虎豹

皮也用圭璋者二王之後也二王後尊故享用圭璋而特之禮器曰圭璋特義亦通於此其於諸侯亦用璧琮耳子男於諸侯則享用琥璜下其瑞也凡二王後諸侯相享之王大小各降其瑞一等及使卿大夫覲聘亦如之

疏此亦小行人至諸侯之國也此六者之中有圭以馬璋以皮二者本非幣云六幣者二者雖非幣帛以用之當幣處故總號為幣也云凡二王後諸

侯相享之玉大小各降其瑞一等者玉人云琮琬八寸諸侯以享夫人明是上公九寸降一等至八寸上公既降一寸則侯伯子男各降一等可知二王後相朝敵無用相尊之法明亦降一寸

若國札喪則令賻補之若國凶荒則令調委之若國師役則令槁禴之若國有福事則令慶賀之若國有禍哉則令哀弔之凡此五物者治其事故

槁古報反
注槁同槁

注故書賻作傳槁為槁鄭司農云賻補之謂賻喪家

補助其不足也若今時一室二尸則官與之棺也橐
當為犒謂犒師也立謂師役者國有兵寇以匱病者
也使鄰國合會財貨以與之春秋定五年夏歸粟於
蔡是也宗伯職曰以禴禮哀園敗禍戕水火

疏凶禮有五惟不見恤禮以義差之當於師役中
兼之

及其萬民之利害為一書其禮俗政事教治刑禁之逆
順為一書其悖逆暴亂作慝猶犯令者為一書其札喪

凶荒厄貧為一書其康樂和親安平為一書凡此五物者每國辨異之以反命于王以周知天下之故

注慝惡也猶圖也

疏此總陳小行人使適四方所採風俗善惡之事各各條錄別為一書以報上也

司儀掌九儀之賓客擯相之禮以詔儀容辭令揖讓之節

注出接賓曰擯入贊禮曰相以詔者以禮告王

將合諸侯則令為壇三成宮旁一門

注合諸侯謂有事而會也為壇于國外以命事宮謂壇土以為牆處所謂為壇壇宮也天子春帥諸侯拜日於東郊則為壇於國東夏禮日於南郊則為壇於國南秋禮山川丘陵於西郊則為壇於國西冬禮月四瀆於北郊則為壇於國北既拜禮而還加方明於壇上而祀焉所以教尊尊也覲禮曰諸侯覲於天子為宮方三百步四門壇十有二尋深四尺是也王巡

守殷國而同則其為宮亦如此與鄭司農云三成三重也爾雅曰立一成為敦立再成為陶立三成為昆侖立謂三重

疏令為壇三成者謂封人引爾雅者見三成者三重重高一尺

詔王儀南鄉見諸侯土揖庶姓時揖異姓天揖同姓注謂王既祀方明諸侯上介皆奉其君之旂置于宮乃詔王升壇諸侯皆就其旂而立諸公中階之前北

面東上諸侯東階之東西面北上諸伯西階之西東
面北上諸子門東北面東上諸男門西北面東上王
揖之者定其位也庶姓無親者也土揖推手小下之
也異姓婚姻也時揖平推手也衛將軍文子曰獨居
思仁公言言義其聞詩也一日三復白圭之玷是南
宮縙之行也夫子信其仁以為異姓謂妻之也天揖
推手小舉之

疏詔告也謂諸侯各就位立王在壇亦立司儀乃

告王降壇南向見諸侯乃揖之土揖庶姓已下先
疏後親為次

及其擯之各以其禮公於上等侯伯於中等子男於下
等

注謂執玉而前見於王也擯之各以其禮者謂擯公
者五人侯伯四人子男三人也上等中等下等者謂
所奠玉處也壇三成深四尺則一等一尺也壇十有
二尋方九十六尺則堂上二丈四尺每等丈二尺與

諸侯各於其等奠玉降拜升成拜明臣禮也既乃升堂授王玉

疏下云將幣據三享故知此文擯之據執玉見王也

其將幣亦如之其禮亦如之

注將幣享也禮謂以鬱鬯裸之也皆於其等之上

王燕則諸侯毛

注謂以須髮坐也朝事尊尊上爵燕則親親上齒鄭

司農云謂老者在上也老者二毛故曰毛

凡諸公相為賓

注謂相朝也

主國五積三問皆三辭拜受皆旅擯再勞三辭三揖登拜受拜送

注賓所停止則積間濶則問行道則勞其禮皆使卿大夫致之從來至去數如此也三辭辭其以禮來於外也積問不言登受之於庭也旅讀為鴻臚之臚臚

陳之也賓之介九人使者七人皆陳擯位不傳辭也
賓之上介出請使者則前對位皆當其末擯焉三揖
謂庭中時也拜送送使者

疏再勞一勞在境一勞在遠郊皆使卿其近郊勞
當主君親為之也其積問當使大夫故下句云致
殮如致積之禮聘禮宰夫朝服設殮宰夫即大夫
問亦小禮明亦使大夫也

主君郊勞交擯三辭車逆拜辱三揖三辭拜受車送三

還再拜

注主君郊勞備三勞而親之也玄謂交擯者各陳九介使傳辭也車迎拜辱者賓以主君親來乘車出舍門而迎之若欲遠就之然見之則下拜迎謝其自屈辱來也至去又出車若欲遠送然主君三還辭之乃再拜送之也車送迎之節各以其等則諸公九十步立當車軹也三辭重者先辭辭其以禮來於外後辭辭升堂

疏三揖者入門及當曲當碑為三揖三辭者辭讓
升堂拜受賓再拜乃受幣主君亦當拜送不言省
文也玄謂各陳九介者以其在道俱不為主故無
五擯之事故各陳九介也云立當車軹也者賓主
俱立當軹

致館亦如之

注館舍也使大夫授之君又以禮親致焉

疏云凡致者皆有幣以致之

致飧如致積之禮

注俱使大夫禮同也飧食也小禮曰飧大禮曰饗餼
及將幣交擯三辭車逆拜辱賓車進答拜三揖三讓每
門止一相及廟唯上相入賓三揖三讓登再拜授幣賓
拜送幣每事如初賓亦如之及出車送三請三進再拜

賓三還三辭告辟

辟音避

注鄭司農云交擯擯者交也賓三還三辭告辟賓三
還辭謝言已辟去也玄謂既三辭主君則乘車出大

門而迎賓見之而下拜其辱賓車乃前下答拜也三揖者相去九十步揖之使前也至而三讓讓入門也相謂主君擯者及賓之介也謂之相者於外傳辭耳入門當以禮詔侑也介紹而傳命者君子於其所尊不敢質敬之至也每門止一相彌相親也君入門介拂闌大夫中張與闌之間士介拂張此為介鴈行相隨也止之者絕行在後耳賓三揖三讓讓升也登再拜受幣授當為受主人拜至且受玉也每事如初謂

享及有言也賓當為儐謂以鬱鬯禮賓也上於下曰
禮敵者曰儐禮器曰諸侯相朝灌用鬱鬯無籩豆之
薦謂此朝禮畢儐賓也三請三進請賓就車也主君
每一請車一進欲遠送之也三還三辭主君一請者
賓亦一還一辭

疏將幣謂賓初至館後日行朝禮之時幣即圭璋
也云交擯三辭主君大門外賓去門九十步而陳
九介主君在大門外之東陳五擯上擯入受命出請事

傳辭與承擯承擯傳與末擯末擯傳與末介末介傳與承介承介傳與上介上介傳與賓賓又傳與上介上介傳與承介承介傳與末介末介傳與末擯末擯傳與承擯承擯傳與上擯上擯入告君如是者三謂之交擯三辭諸交擯者例皆如此也

致饗餼還主饗食致贈郊送皆如將幣之儀

注此六禮者惟饗食速賓耳其餘主君親往親往者賓為主人主人為賓君如有故不親饗食則使大夫

以酬幣侑幣致之鄭司農云還圭歸其玉也故公子
重耳受飧反璧玄謂聘以圭璋禮也享以璧琮財也
已聘而還圭璋輕財而重禮贈送以財既贈又送至
于郊

賓之拜禮拜饗餼拜饗食

注鄭司農云賓之拜禮者因言賓所當拜者之禮也
所當拜者拜饗餼拜饗食玄謂賓將去就朝拜謝此
三禮三禮禮之重者也賓既拜主君乃至館贈之去

又送之于郊

疏案聘禮饗餼燕羞俶獻之明日賓皆拜於朝將去又三拜乘禽于朝彼臣故盡拜謝此君畧小惠將去惟拜其大禮也

賓繼主君皆如主國之禮

注鄭司農云賓繼主君復主人之禮費也故曰皆如主國之禮玄謂繼主君者僨主君也僨之者主君郊勞致館饗餼還主贈郊送之時也如其禮者謂玉帛

皮馬也有饌陳之積者不如也若饗食主君及燕亦速馬

諸侯諸伯諸子諸男之相為賓也各以其禮相待也如諸公之儀

注賓主相待之儀與諸公同也饗餼饗食之禮則有降殺

疏五等諸侯以命數分為三等其圭璋饗餼殽積步數儻介皆降殺其進退揖讓之儀一與公同故

云如諸公之儀

諸公之臣相為國客

注謂相聘也

則三積皆三辭拜受

注受者受之於庭也侯伯之臣不致積

疏案聘禮卿聘使者經不云積明侯伯之臣不致積可知但不以束帛行禮致之豈於道全無積乎明有也

及大夫郊勞旅擯三辭拜辱三讓登聽命下拜登受賓
使者如初之儀及退拜送

注登聽命賓登堂也賓當為僨勞用束帛擯用束錦
侯伯之臣受勞於庭

疏案儀禮此亦近郊勞也云賓使者如初之儀者
謂使傳命訖禮畢出門賓以束帛賓使者如初行
勞時之儀

致館如初之儀

注如郊勞也不儻耳侯伯之臣致館于庭不言致殮者君於聘大夫不致殮也聘禮曰殮不致賓不拜

及將幣旅擯三辭拜逆客辟三揖每門止一相及廟唯君相入三讓客登拜客三辟授幣下出每事如初之儀注客辟逡巡不答拜也惟君相入客臣也相不入矣拜主君拜客至也客三辟三退負序也每事享及有言

疏將幣亦謂圭璋也云旅擯三辭者亦謂於主君

大門外主君陳五擯客陳七介不傳辭云三辭者
辭其主君以大客禮當已三辭訖主君遣上擯納
賓賓入大門主君在大門內南面拜拜賓客辟不
受拜者使者奉君命來不敢當拜故逡巡辟君拜
也

及禮私面私獻皆再拜稽首君答拜

注禮以醴禮客私面私覲也既覲則或有私獻者鄭
司農云說私面以春秋傳曰楚公子棄疾見鄭伯以

其乘馬私面

疏此三者皆於聘日行之故并言之

出及中門之外問君客再拜對君拜客辟而對君問大夫客對君勞客客再拜稽首君答拜客趨辟

注中門之外即大門之內也問君曰君不恙乎對曰使臣之來寡君命臣于庭問大夫曰二三子不恙乎對曰寡君命使臣于庭二三子皆在勞客曰道路悠遠客甚勞勞介則曰二三子甚勞問君客再拜對者

為敬慎也

疏賓來主為以君命行聘享是以先行聘享訖乃始行私相慰問之事

致饗餼如勞之禮饗食還圭如將幣之儀

注饗食亦謂君不親而使大夫以幣致之

疏云致饗餼如勞之禮者同使卿威儀進止皆如上郊勞之禮致饗及還玉賓主皆是大夫其將幣主君與使臣行禮如將幣者蓋不盡如之所如者

如旅擯主人皮弁賓皮弁襲將幣同自餘則別是以聘禮君使卿皮弁還玉于館賓皮弁襲迎于外門外不拜帥大夫以入大夫升自西階鉤楹賓自碑內聽命升自西階自左南面受圭退負右房而立是與將幣別之事也

君館客客辟介受命遂送客從拜辱于朝

注君館客者客將去就省之盡殷勤也遂送君拜以送客

明日客拜禮賜遂行如入之積

注禮賜謂乘禽君之加惠也如入之積則三積從來至去

凡侯伯子男之臣以其國之爵相為客而相禮其儀亦如之

注爵卿也大夫也士也

疏諸侯之臣言爵相為客而相禮者不離三等卿大夫士以命數則參差難等略於臣用爵而已以

此三等相禮也云其儀亦如之者亦以三等相差七十步七介五十步五介三十步三介小聘使大夫又降殺也

凡四方之賓客禮儀辭命餼牢賜獻以二等從其爵而上下之

注上下猶豐殺也

疏云二等即與大行人云諸侯之卿各下其君二等大夫士亦如之大夫下卿士下大夫降殺以兩

解之同也

凡賓客送迎同禮

注謂郊勞郊送之屬

凡諸侯之交各稱其邦而為之幣以其幣為之禮

注幣享幣也於大國則豐於小國則殺主國禮之如其豐殺謂賄用束紵禮用玉帛乘皮及贈之屬

凡行人之儀不朝不多不正其主面亦不背客

注謂擯相傳辭時也不正東鄉不正西鄉常視賓主

之前卻得兩鄉之而已

行夫掌邦國傳遽之小事媿惡而無禮者凡其使也必

以旌節雖道有難而不時必達

傳張員反遽其庶反難乃旦反

注傳遽若今時乘傳騎驛而使者也媿福慶也惡喪
荒也此事之小者無禮行夫主使之道有難謂遭疾
病他故不以時至也必達王命不可廢也其大者有
禮大小行人使之有故則介傳命不嫌不達

疏行夫者以身自行於外言媿惡無禮者無損介

而單行謂之無禮也云燬福慶也者謂諸侯國有生男及嫁娶等云惡喪荒也者謂民有死喪及年穀不熟若諸侯薨之等大事即使卿大夫若春秋王使榮叔宰咺之等有禮不使行夫也

居於其國則掌行人之勞辱事焉使則介之

注使謂大小行人也故書曰夷使鄭司農云夷使使於四夷則行夫主為之介玄謂夷發聲

環人掌送逆邦國之通賓客以路節達諸四方

注通賓客以常事往來者也路節旌節也四方圻上
疏四方圻上者至畿即入諸侯國諸侯國自有通
之者也

舍則授館令聚櫟有任器則令環之

注令令野廬氏也鄭司農云四方人有任器者則環
人主令殉環守之

疏任器謂賓客任用之器

凡門闕無幾送逆及疆

注鄭司農云門闕不得苛留環人也玄謂環人送逆之則賓客出入不見幾

象胥掌蠻夷閩貉戎狄之國使掌傳王之言而諭說焉

以和親之

閩亡巾反貉亡百反使所吏反

注謂蕃國之臣來覲聘者

若以時入賓則協其禮與其辭言傳之

注以時入賓謂其君以世一見來朝為賓者

凡其出入送逆之禮節幣帛辭令而賓相之

注從來至去皆為擯而相侑其禮儀

疏夷狄無玉帛來向中國而云幣帛者謂王有賜與之禮也

凡國之大喪詔相國客之禮儀而正其位

注客謂諸侯使臣來弔者

凡軍旅會同受國客幣而賓禮之

注謂諸侯以王有軍旅之事使臣奉幣來問

凡作事王之大事諸侯次事卿次事大夫次事士下

事庶子

注作使也鄭司農云王之大事諸侯使諸侯執大事也次事卿使卿執其次事也次事使大夫次事使上士下事使庶子

掌客掌四方賓客之牢禮餼獻飲食之等數與其政治注政治邦新殺禮之屬

王合諸侯而饗禮則具十有二牢庶具百物備諸侯長十有再獻

注饗諸侯而用王禮之數者以公侯伯子男盡在是兼饗之莫敵用也諸侯長九命作伯者也獻公侯以下如其命數

王巡守殷國則國君膳以牲犢令百官百姓皆具從者三公眡上公之禮卿眡侯伯之禮大夫眡子男之禮士眡諸侯之卿禮庶子壹眡其大夫之禮

注國君者王所過之國君也犢鴈栗之犢也以膳天子貴誠也牲孕天子不食也祭帝不用也凡賓客則

皆角尺令者掌客令主國也百姓皆具言無有不具備

疏王巡守則殷同殷同則殷國也王巡守至四岳之下當方諸侯或在所經過或至方岳之下若殷國或在王城出畿外在諸侯之國所在之處皆設禮待王故巡守殷國並言也膳亦謂殷膳時也云令百官百姓皆具者此文與下為目百官即三公以下是也

凡諸侯之禮上公五積皆眡飧牽三問皆脩羣介行人
宰史皆有牢飧五牢食四十簋十豆四十鉶四十有二
壺四十鼎簋十有二牲三十有六皆陳饗餼九牢其死
牢如殮之陳牽四牢米百有二十筥醢醢百有二十甔
車皆陳車米眡生牢牢十車車秉有五數車禾眡死牢
牢十車車三秬芻薪倍禾皆陳乘禽日九十雙股膳大
牢以及歸三饗三食三燕若弗酌則以幣致之凡介行
人宰史皆有飧饗餼以其爵等為之牢禮之陳數唯上

介有禽獻夫人致禮八壺八豆八簋膳大牢致饗大牢
食大牢卿皆見以羔膳大牢侯伯四積皆眡飧牽再問
皆脩飧四牢食三十有二簠八豆三十有二鉶二十有
八壺三十有二鼎簋十有二腥二十有七皆陳饗餼七
牢其死牢如飧之陳牽三牢米百筥醯醢百甕皆陳米
三十車禾四十車芻薪倍禾皆陳乘禽日七十雙殷膳
大牢三饗再食再燕凡介行人宰史皆有飧饗餼以其
爵等為之禮唯上介有禽獻夫人致禮八壺八豆八簋

膳大牢致饗大牢卿皆見以羔膳特牛子男三積皆眡
殮牽壹問以脩殮三牢食二十有四簋六豆二十有四
鉶十有八壺二十有四鼎簋十有二牲十有八皆陳饗
餽五牢其死牢如殮之陳牽二牢米八十筥醯醢八十
甕皆陳米二十車禾三十車芻薪倍禾皆陳乘禽日五
十雙壹饗壹食壹燕凡介行人牢史皆有殮饗餽以其
爵等為之禮唯上介有禽獻夫人致禮六壺六豆六籩
膳眡致饗親見卿皆膳特牛

鉶音刑筥姜呂反甕烏美
反簋素口反禾丁故反或

宅加反乘純
證反食音嗣

注積皆眡殮牽謂所共如殮而牽牲以往不殺也不
殺則無鉶鼎簠簋之實其米實于筐豆實實于甕其
設筐陳于楹內甕陳于楹外牢陳于門西車米禾
芻薪陳于門外壺之有無未聞三問皆脩脩脯也上
公三問皆脩下句云羣介行人宰史皆有牢君用脩
而臣有牢非禮也蓋著脫字失處且誤耳殮客始至
致小禮也公侯伯子男殮皆飪一牢其餘牢則腥食

者其庶羞美可食者也其設蓋陳于楹外東西不過
四列簠稻梁器也公十簠堂上六西夾東夾各二也
侯伯八簠堂上四西夾東夾各二子男六簠堂上二
西夾東夾各二豆菹醢器也公四十豆堂上十六西
夾東夾各十二侯伯三十二豆堂上十二西夾東夾
各十子男二十四豆堂上十二西夾東夾各六禮器
曰天子之豆二十有六諸公十有六諸侯十有二上
大夫八下大夫六以聘禮差之則堂上之數與此同

銅羹器也公銅四十二侯伯二十八子男十八非衰
差也二十八書或為二十四亦非也其於衰公又當
三十於言又為無施禮之大數銅少於豆推其衰公
銅四十二宜為三十八蓋近之矣則公銅堂上十八
西夾東夾各十侯伯堂上十二西夾東夾各八子男
堂上十西夾東夾各四壺酒器也其設於堂夾如豆
之數鼎牲器也簋黍稷器也鼎十有二者飪一牢正
鼎九與陪鼎三皆設于西階前簋十二者堂上八西

夾東夾各二合言鼎簋者牲與黍稷俱食之主也牲
當為腥聲之誤也腥謂腥鼎也於侯伯云腥二十有
七其故腥字也諸侯禮盛腥鼎有鮮魚鮮腊每牢皆
九為列設於阼階前公腥鼎三十六腥四牢也侯伯
腥鼎二十七腥三牢也子男腥鼎十八腥二牢也皆
陳陳列也殮門內之實備于是矣亦有車米禾芻薪
公殮五牢米二十車禾三十車侯伯四牢米禾皆二
十車子男三牢米十車禾二十車芻薪皆倍其禾糗

餼既相見致大禮也大者既兼殮積有生有脛有熟
餘又多也死牢如殮之陳亦飪一牢在西餘脛在東
也牽生牢也陳于門西如積也米橫陳于中庭十為
列每筥半斛公侯伯子男黍粱稻皆二行公稷六行
侯伯稷四行子男二行醯醢夾碑從陳亦十為列醯
在碑東醢在碑西皆陳於門內者於公門內之陳也
言車者衍字耳車米載米之車也聘禮曰十斗曰斛
十六斗曰簋十簋曰秉每車秉有五簋則二十四斛

也禾藁實并刈者也聘禮曰四秉曰筥十筥曰稯十
稯曰秬每車三秬則三十稯也稯猶束也米禾之秉
筥字同數異禾之秉手把耳筥讀為棟招之招謂一
穧也皆陳橫陳門外者也米在門東禾在門西芻薪
雖取數於禾薪從米芻從禾也乘禽乘行羣處之禽
謂雉鴈之屬於禮以雙為數殷中也中又致膳示念
賓也若弗酌謂君有故不親饗食燕也不饗則以酬
幣致之不食則以侑幣致之凡介行人宰史衆臣從

賓者也行人主禮宰主具史主書皆有殽饗餼尊其
君以及臣也以其爵等為之牢禮之數陳爵卿也則
殽二牢饗餼五牢大夫也則殽大牢饗餼三牢士也
則殽少牢饗餼大牢也此降小禮豐大禮也以命數
則參差難等略於臣用爵而已夫人致禮助君養賓
也籩豆陳於戶東壺陳於東序凡夫人之禮皆使下
大夫致之於子男云膳視致饗言夫人致膳於小國
君以致饗之禮則是不復饗也饗有壺酒卿皆見者

見於賓也既見之又膳之亦所以助君養賓也卿見又膳此聘禮卿大夫勞賓餽賓之類與於子男云親見卿皆膳特牛見讀如卿皆見之見言卿於小國之君有不故造館見者故造館見者乃致膳鄭司農說牽云牲可牽行者也故春秋傳曰餽牽竭矣托讀為托孫麻答之托

疏此一經並是諸侯自相朝主國待賓之禮若然天子學客不見天子待諸侯之禮而見諸侯自相

待者以外包內天子待諸侯亦同諸侯自相待可

知

凡諸侯之卿大夫士為國客則如其介之禮以待之

注言其特來聘問待之禮如其為介時也然則聘禮凡所以禮賓是亦禮介

凡禮賓客國新殺禮凶荒殺禮札喪殺禮禍裁殺禮在野在外殺禮

注皆為國省用愛費也國新新建國也凶荒無年也

禍哉新有兵寇水火也

凡賓客死致禮以喪用

注死則主人為之具而殯矣喪用者饋奠之物

疏云喪用者饋奠之物者小斂特豚一鼎大斂時
特豚三鼎之類是也

賓客有喪惟芻稍之受

注不受饗食饗食加也喪謂父母死也客則又有君
馬芻給牛馬稍人稟也其正禮殯饗餼主人致之則

受

遭主國之喪不受饗食受牲禮

注牲亦當為腥聲之誤也有喪不忍煎亨正禮殯饗餼常孰者腥致之也

掌訝掌邦國之等籍以待賓客

注等九儀之差數

若將有國賓客至則戒官脩委積與士迎賓于疆為前驅而入

注官謂牛人羊人舍人委人之屬士訝士也既戒乃
出迎賓

及宿則令聚櫝

注令令野廬氏

疏野廬氏其職云有賓客令其地之民聚櫝之

及委則致積

注以王命致于賓

至于國賓入館次于舍門外待事于客

注次如今官府門外更衣處待事于客通其所求索
及將幣為前驅

注道之以如朝

至于朝詔其位入復及退亦如之

注鄭司農云詔其位告客以其位次也玄謂入復者
入告王以客至也退亦如之如其為前驅

凡賓客之治令訝訝治之

注賓客之治謂欲正其貢賦理國事也以告訝訝為

如朝而理之

凡從者出則使人道之

注從者凡介以下也人其屬胥徒也使道賓客之從者營護之

及歸送亦如之

注如之者送至於竟如前驅聚櫟待事之屬

凡賓客諸侯有卿訝卿有大夫訝大夫有士訝士皆有

訝

注此謂朝覲聘問之日王所使迎賓客於館之訝

疏案聘禮記云卿大夫訝大夫士訝士皆有訝賓
即館訝將公命又見之以其摯聘問之日亦使之
訝者但天子有掌訝之官即館之訝餘事皆掌主
之惟朝覲聘問之日使卿大夫訝諸侯兼官故大
夫士為訝賓即館時即為之訝與此掌訝不同也
凡訝者賓客至而往詔相其事而掌其治令

掌交掌以節與幣巡邦國之諸侯及其萬民之所聚者

道王之德意志慮使咸知王之好惡辟行之

好呼報反
惡烏路反

辟音
避

注節以為行信幣以見諸侯也咸皆也辟讀如辟忌
之辟使皆知王之所好者而行之知王所惡者辟而
不為

使和諸侯之好

注有欲相與脩好者則為和合之

疏下有結其交好為朝聘則此好謂使為婚姻之

好也

達萬民之說

說音悅

注說所喜也達者達之於王若其國君

掌邦國之通事而結其交好

注通事謂朝覲聘問也

以諭九稅之利九禮之親九牧之維九禁之難九戎之

威

難乃旦反

注諭告曉也九稅民九職也九禮九儀之禮九牧九

州之牧九禁九法之禁九戎九伐之戎

掌察

闕

掌貨賄

闕

朝大夫掌都家之國治

注都家王子弟公卿及大夫之采地也主其國治者
平理其來文書於朝者

日朝以聽國事故以告其君長

注國事故天子之事當施於都家者也告其君長使

知而行之也君謂其國君長其卿大夫也

國有政令則令其朝大夫

注使以告其都家之吏

凡都家之治於國者必因其朝大夫然後聽之唯大事弗因

注謂以小事文書來者朝大夫先平理之乃以告有司也大事者非朝大夫所能平理

凡都家之治有不及者則誅其朝大夫

注不及謂有稽殿之

在軍旅則誅其有司

注有司都司馬家司馬

都司

關

都士

關

家士

關

周禮纂訓卷二十一